

愧

瘠

集

隱庵集卷之二

莆田二山野人林大輅稿

五言古

觀岳麓書院二首

理棹逾春江探真訂同輩沙平江不喧日淨雲
相對蓊鬱疑無蹊靜覲存奇槩偶聞鼙鼙聲乃
在脩林內麋鹿避人踪石門幽而黛樓遲得脩
名淵冲非物愛仁智情豈殊寂感道不背宮牆
儼高深流峙復環匯千齡談聖功六籍陳明誨

逆旅多古悰塵寰易衰態愧矣達人觀昔賢於
茲會

巍巍祝融峰週遭幾萬仞其麓衍長沙猶餘三
湘鎮千年元氣淳皇封陋楚晉宋張二大儒談
討從先進諸子恪藏脩微言紹心印山房歲可
居來者誰其胤岑寂少林盤汪洋廻瀾震俎豆
登春堂門墻肅高峻尼山山之宗洙泗環清濬
嶽麓南甸竒大觀初問訊思聖復懷賢寰宇神
功潤玄化不可窮九疑挹虞舜

州廣文王用楊孟達來訊留飲二首

遠江初留旌春城坐來晚吏牒紛然臻遲我清
晨飯乘懷未及宣卽事亦已婉忽柱友朋過問
訊情彌綣擁羶慨以懔對酒開談苑我亦羈旅
徒蹉跎弗思返吏隱欽古人春山滄洲遠興發
陟高臺間雲共舒卷

吏人報賓客車馬寂以閒登堂共長揖慰我遠
遊顏廣文有道氣晤語皆名山峨眉高百仞窈
窕煙霞關中有真栖者長齡迫人寰惜哉無雙

翼夢寐曾躋攀鵬小枋榆適鵬高南溟還沖懷
欲齊物綢繆匏樽間

卽事四首

行在軍門徵索諸玩濱江州邑猝應難
馬西陵督捕旬日不能得藩司嗣令需
價人乃
寧止

綠毛龜如錢蘄春生淨壤溪壑豈能淹秋風薦
蕭爽偶爲行在琮求者頻虛徃稽疑周室先納
錫江人昉以茲徑寸姿奚裨廟堂賞蘄人探舊
蹊一龜勤十餉巡守亦簡書惻惻州中榜

老龜聽人呼得食金山次沿迴風濤間漁人網
不至翠甲浮日光觀者歡相遲楚江豈不深出
沒奚能致泊戶集舟航數畧亦群備江神倦招
徠辛勤已如棄昕夕繁爾徒能了官中事

落魄城中兒入山恣遊食黑胥與青裳見我猶
飢色願言飼胡孫羈束馴登陟問之虛寧籠大
者猶未得郭外西山窩連臂飲溪側機械舊所
張多獲由人力軍門譙致之孔鸞多栖棘

大澤蛇所鍾射人尋丈立弄兒取其新鼓篋負

戈入衣氣薰流黃山蹙逾深級同行兩三人失
足嗟奚及臺省初移文村氓多絕粒所憂毒霧
侵拙牧知緩急隋侯曾得珠孰言陰功集

寄問舒國裳

一峰奮前修榕城仕如隱舒子胡爲來懷賢迹
相近白壁人所珍待價自無愠濩落踈宦情諒
書乃真蘊百年如暮潮萬事亦朝槿楚杞將寒
暄道流企物品海山稱達觀歌辭見忠懇相思
楚粵長衡陽回鴈盡

寄問蔣子雲

去夏別金門予方偃牀褥念爾故園歸清江散
晴旭詔獄復天刑圜土深縛束深衷照鬼神靈
鑒申直曲謫判楚西隅叨食官中粟懷往嗟迂
踈懲今增實最嗟峨雞鳴山登臨開蒼醪戎幕
靜談兵跌宕能懷玉泰龍自有真畫蛇莫添足
君其攝手儀嘉言寄日錄

哭何孟循

孟循不攜家鄉人之交亦鮮獄杖廷杖
肌血竟焉五日乃死予適在昏曠哭之

旋忘之今逾歲矣追思昔痛乃復哭焉
何時得灑淚宿草也因寄同患黃伯固
諸君
子

哭君已逾年思君復茲夕病骨獨支離緒衣今
在席昔者達封章顛沛無長策君志欲批鱗兩
僕涕無釋百杖裂肝腸天威莫能測五日強在
牀驚魂已離魄誼聞傳都門臨死猶易簣南歸
旅覲孤辛酸隨所歷兒幼哭更揚嚴翁守空宅
嗟嗟哭君時風塵暗南陌歲月生死殊我媿遠
行客楚江流水長舟航隔潮汐容顏杳交期掛

鄴下今昔

苦熱有懷用少陵題崔少府高齋三十韻
初入西陵州生事百不適廨宇低如蒸况復朱
曦赫數弓隔市囂一榻收晴閒空庭對榴花蕭
然清四壁願言復三遊洞門泉淅瀝霞氣薄青
林援轂浮蒼石舊歲歸東山白扉后壩宅園樂
聯弟兄慰藉叔與伯楚甸眇舟車睽遠悵遙僻
嚴君壺蘭鄉儔侶日相覲思家惜流光南齋看
雲碧病骨日撐支百憂寸心折名醫亦難逢熱

中浮六脉風塵吹不舒人事關休戚雞鳴山色
黃豫章江流隔行在膽龍軒簡書遴忠赤烟花
遶禁城絲管錯鋒鏑鎮國舊登壇南征羽書積
吳楚難自平王師本無敵未央歲載脩寂寥瓊
瑤席力士大阿芒去住誰能逆猶勝榆林寒穹
廬索戎狄漢武曾拓邊巡遊豈長策宓子業已
荒曼容官當釋頭顱初二毛距金浮名迫手酒
醉復歌俯仰空今昔

池書室夜坐有懷二首

天籟寂中生山人今夕情小池星倒白深竹流
雲清建業淹龍馭西江猶耀兵羽林羈戰格巨
濤掣長鯨長鯨不自得狐兔相悲鳴仰看天萬
里搖搖列控搶江上誰傳箭草中頻夜驚我歌
東山什嘆息心煩忤王猷冀允塞漢庭多公卿

二

吏道紛簿書辛勤關世故稻梁祗自謀鼎鑊奚
能慕所慮丘壑情或淪葵藿素披襟坐方池行
止疑岐路往跡似虛舟蹉跎楚江暮懷人起長

思風波秣陵渡欲依太微光歡娛歌湛露漫言
射虎徒三山開烟霧後湖翻驪龍日月互吞吐

間居對雨呈彭守二首

秋風吹爽氣午雨下層雲峽水暮江立雷聲前
夜聞莎青明鷺影野綠淨鷗羣倚檻看飄灑遙
遙清楚氛

永日瞻雲漢遐方駐使輶倦龍猶灝氣高柳已
深條問訊山南北秋田種更遙次公應喜雨短
述亦風謠

宿城西僧寺題壁二首

磨折趨人事默與世情隨
凌晨看青鏡咲問復
何之寄食亦逆旅
偃息恒在茲禪房
遲閉門燕坐獨
支頤華胥不入夢
鞦韆迹堪疑得酒
呼童僕一杯起自持
鷓鴣知適意况復
時雍熙鼓琴者伯
牙知音惟子期
當年已絕響千載
曠相思

二

梵語通鐘磬秋風吹離魂
緇徒不說法予亦謝
群喧蓮花初出水
香氣晚過門蹉跎
時事拙偃

蹇微軀存鼎釜遺芝木裘葛遲丘樊屈原放澤
畔莊生吏漆園滄浪有遺歌南華留卮言遙遙
建業信行在六龍軒日下簪紳集石頭豺虎屯
憂心悄不寐苦空疇同論

山行雜詠八首

夷陵稅糧凡六千幾百餘石無徵賧納
凡一千幾百餘石隱田武籍也老戶也
奸胥也賧則通州之民於洛里存冊絕
戶名下分納焉予到州疑其笑久也則
賧賧糧數日給之由帖令各里之長徵
之里之長相語曰林謫官匪久當量移
能畢清此隱耶則各依帖先納平民無
賧也至秋予復以名帖徵之糧多矣不

能強也當日里之長執帖來告曰田在某里某姓占焉占者輪服受帖納盈無異蓋十得四焉旬朔間相詰曰麥苗諸豫認圖里弗欺漏蓋十得八九焉又各詰開荒田畝有肥瘠有衝僻有廣狹有新故有贏縮計畝分糧令豁籍歛較之籍利若輕稽壞品獲因地度宜業寔糧實法明情安州凡民無賊焉故疑謫報疑滯競疑混指疑弱奪疑虛畛故山行遠月三至近旬三至百里而下日一至聚詰于疆聚詢于證任之反覆論辯裁以秘載輿言不至慢卒損賦之真至於即景感時紀事抒衷紛乎應接膝宿峰淒然慨懷茅居石寢朝夕風露餐宿殊土曩今芻牧甘酸各情其勢然也故形於歌咏適我鄙私錄而章之庶以韻

側身縈吏務入山無寧居箐荒迷新術蹊轉失

舊畬鋤列耕人跡茅藏餉婦祛赫曦灼交汗緒
風吹長吁旌傳吠犬散林憇嘯猿踈荒荒樹影
寂曖曖嵐光舒偶見山間叟迂予乃趑趄謂言
山險僻底事來官車倚杖復棄置招呼漚田廬
拜跪從其俗鄉中馳役書人言清隱畝賊賦得
蠲除抗顏復俯首爭者平里墟吾勞亦得息西
日風沙餘

山泉不入谿田間常瀉水林深絡緯吟秋後稻
禾美野雉護群雛雌雄勢若靡鷹來爪距張雌

翼雛無徒雄飛高於鷹相搏猶未已
願鼠捕塘蛙聲悲石罅裏爭粒僅寸魚
鼠亦候涯涘得失三蟲微觀之乃心累
山人未出都散帙盈淨几山人出判州
民瘼勤瞻視匪直會物情於焉昭宦履
況復得閒行丘壑隨吾指僕夫每致辭
謂予胡恠傀

度田凡幾旦日午憇田家野飯楓林下
落鷺飛孤霞群山忽以暝啞啞多歸鴉
開戶曠人迹隔隴聞吹笳舊翳林過虎
荒術竇藏蛇蹊開明發

近言遲州西衙老翁里之長卽事亦浮奢呼之
到几席疊疊談桑麻徑深夕間寂燈炬影橫斜
辛勤吾何有谷達接三巴長跪語相慰獻我清
谿茶所思謝康樂大雅稱永嘉偃蓋聊屏息孤
懷眇天涯

里居不知山山深荆榛曲市居不知林林多梧
櫟木墟路今古殊開荒環園圃雨露隴畝滋稻
梁穫晨旭涼序入秋凝病軀臨風肅嵐分霞土
石日暄厓邊竹我生豈好遊吏情勤求牧披衣

抒素襟探竒豁蒙目彭澤種秫田陶令言非俗
成都琴鶴隨先民澹衷曲誅茅夕几橫禪栖偶
雲谷

慰心非榮名樊籠憂晨夕人無隔朝謀周章乃
形役半刺只漫卽行止孰羈迫登覽頗娛人幽
事集間隙車馬從繽紛簿書亦簡適小隱欽龍
門遠懷夢烏石壠畝行鳴鉦諸徭廻來覲勤耕
事催科囂誼習所激少壯老山中未見州司迹
將迎列荀薇僕御初靜寂新辭惟紀年雲蹤茲

可惜欲與田叟言從容問疇昔

蠻鄉諸徭種田
土戶入租重稅

昔劉千斤
首盜憤爾

羅網屏夷壤世態驅沉淪玄思重服食欲與安
期親鴻冥奚弗返蠖屈俟其伸松栢後凋操桃
李當時春大道同金石堅白難緇磷吾黨涉世
淺和光稱同塵山水皆行樂宇宙孰非真省署
陳迹遠西陵思致身拙勞淹芻牧清時多逐臣
古人重明志歡娛同苦辛裘葛隨寒暑江湖迭
主賓操觚發新咏實歷紀斯晨東武意何極誰

能問通津

誰驅我入山遲遲了公務誰驅我行野阡陌盈
霜露民隱若羈畱偷安豈能顧田家走妻孥倉
皇展情懷華靡輒麾之語以澹薄故父母愛斯
民窮獨意長注老戶山中家隱畝匿官賦愧哉
任廓清豈能蘇瘠痼庶幾昭國章黜孽或心悟
鄙夫世業疎廟廊與農圃學農必開畬學圃無
種樹蹉跎覲浮名風波達者懼窮民山耕自足
匿賦隱田皆老
戶故也
久矣

逾旬獨往還圓缺西山月無家豈繫思歸心凌
晨發囊收殊方題札記黃陵碣津吏虛舟迎奔
濤倏超忽信息罷南征白下流芳歇龍輿欲朔
旋戡亂行天罰狗祿嗟微臣奔趨空皮骨登臨
夙所懷長僚談既竭俛仰信復疑風塵易汨沒
川甫沔陽符德輝豐源筏刺史今循良辭章更
嶮磈尺素寄鱗鴻邂逅未相謁問訊杞人憂流
光增白髮

送許舅還莆

歲晚耽良晤官齋猶食貧江魚脂如雪林蕨香
勝芹來日煩未解別日談益親所歡在意氣羈
旅各天真舅氏懷徃路遙歸非沉淪烏几東山
麓白袍湖水濱棲遲共二子十載同酸辛西陵
尚薄宦渭陽念亦頻粵山胡迢迢我僕徂逡巡
遊子漸辭病雙魚懷遠人豈不念離別未能謝
簪紳黽勉事芻牧哀茲筑獨民

唐信伯刷卷荆南相見甚歡用韻奉答三

首

屬吏趨霜簡隨人早候門秋風拂蘭桂清晝同
芳蓀臺諫多新語廟廊或湛恩與君踈濶久邂逅
喜同論

汧陽李川甫談詩日更多寂寥西陵判咄咄意
如何巾舄五溪棹洞山酬九歌昔者歐陽子閒
情寄薜蘿

已分楚狂嫚荆襄岐路踈側身風雪後回首網
羅餘每惜馮生鉞長懷揚子廬同袍情繾綣別
酒武昌魚

鳳樓篇邀彭席二寅長

荆甸煦青陽雲區莽蒼翠大江日東流洪鈞園
神瑞鳳兮禽之英其靈乃天粹翩翩耀五苞聞
韶時屢至岐山千年鳴周道恭默致五臣揚皇
休三公彌大器感孚徵物情墳典無遺誌刺史
西陵州彭鏗鴻鵠志眉山席使君青瑣纏台次
賢嚴薄赤霄觀者仰星使眷言鳳德昌豈曰虞
周異逐客慕漆園逍遙員外置管者歐廬陵邑
宰於茲試丁守亦曹郎江城稱卧治相益以利

慈相酬在文字我今諦前脩宦情敦高誼春風
吹南津行藏談何易官齋應食貧傳杯迹如寄
載歌鳳棲篇招攜二長吏

贈同年白水部季循北上二首

江潯春日暮白帝來西州千里一日過浩浩巴
江流三遊不相遲披襟念青丘青丘紆以寂良
覲獨夷猶未識報書近相逢生暮愁水部昔讀
禮三年攀松楸丈夫志四海北徂能滯畱簡書
矜世業豈爲干祿謀臨岐盈尊酒離情結綢繆

二

京洛道逾遠遊子戀宵征妻孥同舟楫風波浩
縱橫翠華還京洛群公鳴玉璜雙觀臨天路千
門日月明皇運值熙皞周鼎卿雲生西蜀結組
客憂時起青城行將過新野臥龍慕前英千秋
雖遼邈志士同矜名嗟嗟濩落者遲留友朋情
偶興二首

豹隱南山霧龍蟠北海岑阮卽窮巷轍陶令不
絃琴萬事筌蹄外悠悠寄此心

青林啼鳥寂碧嶠宿雲多雪洞晴懸溜江天晚
湧波閒居人事少齊物意如何

泊舟黃陵江許移宿外館二首

號江如迅霆入夜疑風雨搔首坐沈寥明燈照
虛宇崩崖聲驟高廻波勢仍訐濱江多編民茅
居各閉戶雀舫栖潺湲長年候石許近淵防蛟
螭近山防豺虎栖止那復疑頽流見天柱
水族聚江靈英風薄幽巘黃陵障狂流夜氣清
而衍行役祗隨緣春風自深淺據床江之濱營

魂不遑遣颺颺窺明星
黿鼉剝古蘚未識怪禽
聲試與山人辯隔灘鳴柳多初曦川光展

隔江登岸循山省畝凡三日卽事三首

蠻鄉藝山畬石關雲光杳我行豈憚勞憂時徒
矯矯野樵忘昔蹊支嶺直林杪天際盼高春俯
接群棲鳥蒸黎迂簡書長跪隱叢篠風露沾衣
裳塵埃釋飄繞嵐深山不童霞蔚日長曉所慰
在循良雍熙於斯兆

隱畝非一年催科遍諸野飢色多齊民高厓森

梧櫨隙地虛耕耘數家共私社童子餉牛牟蓬蒿鬱長夏野几開山壺叢蒼微風灑林菁炊煙荒藿食亦稀寡松間蒼藤花白雲覆其下

東臯從事遲歲月猶骯髒驅馳不遑安群囂紛殊狀及山欣巖居及水喜川望迂廻民苦耕妻孥勤相何拙牧心更慈蒸民俗亦讓生理苟無違祇念子孫長停車觀華風藉草慰昭曠

午過民家山莊靜曠深清茂樹長渠疑方外居也遂憇而宿焉一寐達旦乃紀之

東王明遇少叅二首

涉世多慷慨千古如平生辛勤從吾好撫劒荆
湖行丘林偶良覲烟霞獲我情昔人夢蝴蝶天
倪本太清臨觴不自飲晤言誰同聲出門別鄉
叟祇後喜相成何當紀陳迹一榻繪青城

三日歷隴畝止雲凝夕塵葛衣掛白石山犬吠
何頻連宵不遑寐閒寂逢茲辰良疇藏狐兔綠
渠流蒼鱗耕鑿可避地栖遲卽全真佳勝非吾
土晤言淹旅人試問王逸少何年能卜隣

出山道中作二首

喝道嵐未舒搖旌日初旦夏木莽栖雲遠天低
飛鶴并州亦故鄉歸卧西陵館

逐客念 君恩琅玕驚未報北闕天路遙荆門
邯鄲道去住不可期石湖夢頻到

與彭爾玉太守談農四首

刀耕皆絕徼百里緇塵飛數畝如鱗次撒種春
陽微田者不顧食主人不返扉頻年惟客作淪
落莫能歸嬾妻守空爨野奴采短薇官府操戈

戟侏儻避虞機

深山夷種
警事易遁

居不近青野遊不至丹岑柴扉草色遠蕭艾橫
階陰時序催醜老經年瘴霧深遷徙不易業鴟
鴞鳴北林貧農胡生世骨削言亦瘖何能不耕
食嗟嗟傷我心

張羅林之麓狐兔麋獐遊自言偶從獸未暇妻
孥謀遙遙毒霧重冥冥荒箐脩山神奉已久祝
語神香留耕耘憂歲歉射獵亦何求但能守生
計窮老安林丘

入山秋日未秋木迥青蒼白鷺明我目黃鳥飛
我傍我來省農事一望楚天長獨酌山酤澹隱
几茅茨光后田不多穫租庸力難將况復值荒
歲氛祲損牛羊

入山清田平者占籍述事五首

自信疲吏務徂山三宿歸山田夾叢薄質爭各
是非語與氓黨辨心疑芻牧違賦乎無橫歛鷄
犬靜相依怪禽見人解對之莽高飛茅居八九
尺畬人生事微歛歲食不飽亦復悲無衣輸官

豈貧佃隱畝黠者肥嗟予何擾擾星露間居稀
停車後始旦披襟役東曦年華差可紀民瘼遲
音微願言返初服偃坐釣魚磯

民功積弗移憫窮百慮闕山路紆蒺藜林風灑
毛髮平渠過雨痕小野雲浮月感時匪自謀懷
人意超忽夷歌滯殊方炎序思病骨火雲渺西
行加飡更薇蕨民憂官長嗔釋鋤自趨謁輿夫
弱以羸險歷俟明發三載羈一官懷抱疇當揭
昔人意何聊書空乃咄咄從我兩奚童適遠力

已竭秭歸隔秋嵐舟濤莽飛越

馳驅遵舊畛清問孚輿評隱畝多陳迹鏡塵磨
則明廣愛爲仁術赤子如弟兄強弱亦奚擇膏
雨勾萌榮山氓初解事長上知將迎閉閣訟自
理懸魚政能平昔賢履其素世業奚鈞名小子
偶微役兢兢觀我生祛蠹周九里流惠裨導城
遭逢聖明世辛勤犬馬情撫躬惜筋骨他年欲
躬耕半刺雖微祿寵辱亦奚驚

循厓涼籟平肩輿步更縮烏棲楓未丹蛩鳴桂

當馥山徑或狹斜場禾間生熟野燒入雲層細
流分遶瀑萊荒四五家靡靡妻孥族數歲聚比
隣八口同伯叔生理何寂寥瘠地種松竹松長
伐爲薪竹高伐作屋斗米價時騰青黃乖三伏
薄劣愧使君蒸黎欲弁育誰謂古之民其野如
奔鹿魚遊依深淵鳥宿依叢木

攏禾分鱗次稽籍定舊畦農人歲作苦何能事
巖棲風雨徵節序烏脚流山溪老者足一瓢幼
者縻能携杜陵昔羈旅草屋賃灤西我欲謝微

役靖夷養天倪奚以慰吾志殊方催輪蹄白壁
未忍棄青萍祇空提聊能還傭直息步漫扶藜
遠阜蒸驕暑近林蒸故蹊浮年西陵判涉世隔
雲泥得閒卽取醉拂枕鳴山雞

同彭爾玉問席材同臥病用謝宣城沈右
率韻二首

伏枕遺薄領愴懷良在茲闔戶聞香氣平旦清
明時沈疴倏驚骨寤語念東菑凝眸喜相見續
縑敦言辭几簟蒸暑候爐火噓晴颺定志知俟

命朴學能危持試言剝復理煩緒存素絲吏隱
同半刺安身副所期我友歌伐木夷陵歲已基
蒸黎禱昕夕幽明焉可嗤

方朔不詭世待詔金馬門迂直隨屏齋同予辭
鷺喧卑栖一枝足鷦鷯焉高翻西州城如斗江
路近鄉園尺書傳蜀舸相報爾清尊避名得漆
註官舍種蘭蓀天道庇吾黨江湖人事存慚予
劣著作言詩鄙西崑瓦石焉爲噐長思璵與璠
君其慎醫藥江漢沔清源

席材同疾不起爲治後事挽之四章

藥靈疾易愈生離會有期興言悲死別
斂劑悔多岐形影夢中見邂逅不自疑
覺來若隔世驚魂欲何之軒車閉外戶
黯然平明時脉脉盼巾幘追思良在茲
脩文或冥報觀化庶先幾嗟嗟徹泉壤
誰歌伐木詩

羈旅如兄弟我慚久病癯君其養豐殖
况復冲懷虛一疾胡弗起翻疑神理踈
易簣無半語凝眸獨視予撫棺束素帛
帖席留舊書清朝初更

化放臣罪蠲除胡弗假歲月優游事耕漁哭爾
應屢慟斜日江流餘

鴻濛祗一息翰海非殊源冥漠逾長夜西州黯
旅魂形骸孰不有陶鑄孰長存三閭傷逝遠長
沙憂生屯向夕月臨牖茲晨雲閉門陳迹勿復
嘆芬芳徒匏尊彭聃與殤子夭壽復奚言達哉
蒙莊叟真筌非漆園

蜀木堅而麗梓人琢惟良越錦綴物采鷺服分
王章志士懷溝壑喪死遵典常君子崇令譽致

身於封疆愛民如赤子
瑚璉用輝光造物奚翻
覆青陽倏雨霜死者不
可見生者悲自傷抱孤
者萊室涕泣裂肝腸

邂逅方守準先生二首

鄉園稀舊故齋長念方
干邂逅披襟語相留昔
藉盤江陵千里道舟楫
傍人難下榻同明月秋
風歌紉蘭

談討聞精義經生思獨
玄繫予初弱冠歛衽一
燈前舉手謝時輩真源
今不傳西耕惟古學宋

叟更稱賢

當陽道中感事雜咏志愧

霽野氛初斂平蕪霜益清寒帷遙睎盼斑馬逐
人行舊遊空復情

客意隨南北丹楓歲載華楚鄉黃菊晚猶有續
開花行人祇憶家

下榻憐僊令郵亭逗彩繡烟蔬烹宿火露茗瀹
芳蓀臨岐獨贈言

沙途逢釋子避路霜林前三誦蓮花偈焚香拜

普賢自種郭西田

壽亭侯有祠千載靈在茲下馬乞通聖秋風吹
斷碑薦藻及江籬

茅屋夾通衢桑榆一里餘炊梁連晝夕去住有
琴書仙踪轉愧予

吊古遺風在年來鬢欲蒼未能成獨醒應自訝
踈狂魯山亦漫郎

當年三國峙雄勝重荊州陸抗城三峽雲長壘
數丘遺悵楚天秋

天闕彤霞上孤臣北極瞻
遭逢誇鳳舉起落愧
龍潛三年吏隱兼

襄陽樂用古韻六首

行路惱客腸大堤暮止宿楚女未稱姬
爍爍簾間目

堤上芳草歇岑畔秀喬松
歲寒顏色好風雪若
愁儂

飛鶴長川下雙鸞影徘徊鳴臯何處夕
歸來知爲誰

三尺刀連環芳蓀分舊叢相望不相語長別那
禁儂

大堤綺羅陌鸚鵡湘簾表高樓誰歌鐘醒醉自
纏繞

歡非舊日情遲回隔門語知面復知心儂今浮
海去

卧龍岡

嵩岳衍南支綿亘數百里奇標自流青秀炫或
韜紫南陽稱地靈人傑奚專美諸葛流寓賢鏘

鏘天下士何年臥龍岡
栖遲佳山水渭濱載後
車莘野耕夫起大道適
泰清明良殷周氏唐虞
鴻業弘乾坤遭逢此炎
劉運已微避世鹿門始
隆中楚豫交風塵可諦
視封域當戰爭隱顯莽
由已哇吟百畝平陳迹
躬耕是中原勢已雄江
東力匪靡造次若夙期
三分奚足擬越霸范蠡
辭秦帝仲連耻將星無
久明英雄命不俟孫曹
幾黑灰卧龍百世祀草
廬彰公神况復生寧止
澗芷薄祗將夕雲黯楸
梓

送謝光宇歸莆

流香庭宇靜孤坐聞移更忽忽悲寥落欲辭我
友生君歸烏石舍予望襄陽城相思無近遠離
恨奚能平招攜千里道徘徊旬日程壯夫別何
易濡滯亦恒情

至安仁秦鄭二同年憲副留飲

弭棹俯長川流光將及夕高樓忽飄風浮雲鮮
遺跡同袍多慷慨嘉會懷今昔遠別二十年近
別歲屢易章水有避音葛陽垂雙壁邂逅值冬

祔清尊慰行役佳人遺我思顏色端而懌高節
抗榮名扶搖振六翮縱飲且復歌茲歡良是惜

登五級山

日夕策登山端坐神奔逸筋力非昔強雲林深
復密未敢阻前盟因之解心疾五級勢縈迴下
觀各翠嶺初登若螳旋垂肩齊及膝心兢汗俱
流氣短足欲失山僧閱人多扶顛備倉卒梯布
勝杖藜陟崖如坐室茫茫渺人寰飄飄謝塵沕
冥冥城郭隱浩浩溪流泌信州本多山茲山亦

間出近者羅兒孫遠者兄弟匹况復居浮屠佳
勝由來謚慚予烟霞姿兼逢昇平日殷勤百年
懷茲遊偶然畢陳生非世情是日離蓬華始至
笑語真繼之形骸佚眷言龜峰奇達觀難前必
明發下葛溪山靈相終吉倏然玄圃遊天風迴
蕭瑟試拍洪厓肩問訊長年術

十月杪九夜紀事三首

孟冬九之夕天河紛落星江春疑蠟炬塞沒失
秋螢麟閣武功晚雞壇天論冥 皇仁欲罪已

端拱誦湯銘

分野連三晉聯珠向北辰如何離碧落漫爾照
風塵料事頻思古回天合有人江湖憂不減衰
髮欲如銀

四年天漢上爍爍揔搶明偃蹇三公去遲回萬
國情雨聲驚乍見光射漢家營太史煩占候靈
臺接禁城

度江晚泊次日登漢陽道卽事二首

江喧夜不寐披衣起清曉牕白射晨暉霏紛逗

林杪武昌郡邑雄漢口川原渺鸚洲橫岑麓鶴
樓明霞表荆甸二水流禹穴九江小森森澗畔
松脩脩雲間篠泛泛隨流鯨冥冥浚波鳥俛仰
真大觀幽選皆可了眷茲舟車遊暫謝簿書擾
探古魂自清撫今懷亦悄娛已或神怡遺榮豈
詞矯昔來歲方強今茲髮已顚蘭芷有遐芳笑
人徒嫖嫖

撫楚周旬朔擁懷塵事侵今晨有行役零雨却
來臨豈不念遠途眷言筋力任保釐值清世感

茲遠遊心潛鱗縱大壑倦鳥還高林悠悠天壤
寬人事翻升沉莊周稱達生遺言豁我襟盈持
奚爲貴玄尚足所欽蓬戶與世遺美酒獨時斟
興發起閒謠寧效梁父吟漢水何茫茫欲濟廣
且深緬焉思同袍廻風歲載陰黽力理舟輿行
止隨滯滯

應城道中

陟岡紛飄風適野森寒木原陸何蕭條數里見
民屋每逢官長過閉戶遠潛伏始招旣不來復

追乃長哭旁有父老言歟歲悲斃獨穉子事雞
豚室家藝黍菽曉食不能充催科何頻復茅茨
達路衢車馬相馳逐夜色暝山椒候火焚林樸
赧顏聆斯言奚爲茲華轂哀哀鴻鴈鳴古道重
良牧

觀音巖觀瀑

寒序暄夕暉促駕貪奇覲未至望若窮至也煩
襟滌玄門漏霞光迴風淒四壁嗟哉百尺泉混
混日紛激氣分江漢清色與天河晝沃焦闢垢

氛青野隨所歷匡廬雙瀑高神功茲非敵軒車
來何遲徘徊異境遯雲靜后逾寒谷響山左寂
松苓瀑可烹僊液懷涓滴豈無尋真者歲遠不
可覓日暮登前途躊躇我心戚

京山阻雨

清晨風雨至戚戚無怡顏我車不可回寧復辭
遠艱寒霏紛縱橫滯雲稀往還踈條何寂塵荒
流亦潺湲霞明倏復霽雨歇斯須間晴雨豈有
常撫几對青山山間有真意伊誰叩其關所恩

渾沌子俛仰終人寰

夢遊岳麓

客子巡楚疆川陸幾千里言念祝融峰高高青
霞裏欲見未能徂營魂頻徙倚岳麓曾及遊雲
區環流峙夢中試問津探奇還陟屺淨宇翳蒼
蘿室庭搖綠芷俎豆宋諸賢欽崇如闕里徘徊
弄潺湲巾舄清且美碑碣荒前辭歌詠垂新紀
玄圃歲不同神遊夙吾志

岳陽渡江望君山有懷二首

遠江春濤白方舟渡岳陽征夫喧搖旌榜人催
鳴柳好風自東來中流意徜徉君山十餘里欲
濟路何長遡流望中瀛信息未先將湘靈今在
否懷思集裏腸虛櫓馳環碧遙洲覲羣芳輝輝
灌木雲窈窕重巖篁蒼鬱絕人踪縹緲連僊岡
叢祠荒前峙瑟瑟秘今張徘徊羈旅情脉脉岐
途傷佳期未蹉跎心賞不可忘

弱齡談煙霞披圖見幽事流光四十過斑髮耽
榮利楚甸舟車遊巴陵已三至暮春徂華容瀟

湘多靈異中流望君山徙倚勤雙視所愧非仙
才所思在夢寐陰崖猿獠馴廻瀾蛟龍避采芳
襲我襟攀蘿協玄思惜哉無雙翼婉孌誰能致
武陵桃源深茲遊偶然遂南風吹歸舟仙翁或
相值鳴簫洞庭野逍遙忘作吏

巴陵道中二首

昨日值繁陰今日乃零雨山徂滯林臯江覲紛
烟樹鳴騶不遑停雙旌明毛羽撫時多所懷塞
帷問田父歡聲達廣原耕者相擊鼓世業勞於

農羈心縈若質迂紆登前途雞鳴日方午
靡蕪生道周縈木見棲鳥詰朝陰霞橫俄頃玄
雲繞纖纖雨足來洞庭望何眇懷役值暮春年
豐喜茲兆高原麥初蕃嘉穀苗仍小授艱匪力
任抱咎惟憂惜喟焉傷伐檀徬徨咨良殍

愧瘖集二卷終

談世情如縷倦遊采蘭芳高志寡諸俗一言棄
臺章近下陳蕃榻遠仰鄭公鄉相逢乃奇事彷彿
聚星堂夕曦照迴塢暮楓飄清霜謫僊吾所
訝胡爲淩夜郎山靈卻留客絃管藹班行懷古
直冥會徘徊九日觴我媿撫南國慷慨珍行藏
欲招楚狂語濯纓歌滄浪

司寇梅田翁招飲還臺值雨四首

楚甸馳旌鉞巴陵三往還江入滄海氣雲連赤
城關美人持雙壁遲我多歡顏斗酒娛終宴疑

在鹿門山

風雨聞瀟湘披襟對初夕冥冥世務長明燈悵
疇昔竹靜春江殷野曠晴雲迹城鐘獨閉門徘徊
徬倦遊客

九江春草明晴花渺無數所思洞庭君青山隔
雲塢林欤散鳴笳蛩聲喧入戶夢寐覲遊僊聊
聽茲宵雨

昔人悟冥寂撫心入山遲鬢髮更時序江漢悲
支離萊妻堪同志胡爲允戀茲願言返雲門長

與瓊花期

憶海上山

城中兩名山烏石梅岡峙天末橫八壺九華雲
間紫羣玉森森來七十峰迤邐晴淙鳴曉昏浮
光石齒齒僊壤溟渤奇烟霞物華僊野人謝朝
簪畬田念春耜何當遂初衣彼美棲霞子短棹
木蘭舟明月雙谿水白髮年復多萬事芳尊裏
試取畫圖看天風吹石几

讀儲光義田家雜興次韻七首

愧瘖集

三卷

奇

林居穀雨平百畝連荒墅白屋蒲茅茨新晴慰
男女蠶月伐柔桑耕朝治南圃僕童勞以嬉相
將藝禾黍遠泉抱邨流幾曲木蘭渚田翁辭行
後山婦緩秋杵鼎鼎百年中殷名復奚取

一紀沾微祿買田匪膏腴溫飽偶然遂因之勤
樵漁田家有社會晨興過鄰居松風吹草莽谿
月明桑榆著書不盈卷愧彼楊雄廬喧喧鳥雀
至日夕相追呼據牀嗟獨醒濁醪傾百壺
丁年九衢遊五穀真不識何意來山中農談慰

顏色洪川淹長鱗脩林棲倦翼翻覆知人情世
運同消息達人自大觀志士易幽側野遁能遺
時澤吟裏自直柴桑長閉門經理在衣食

昨日尚壯年今日忽成老城市稀往還散髮田
間道豈不惜辛勤八口縈懷抱澤雨頻及期妻
孥窮相好嚴霜瘁皋蘭夕飈吹野草所思風塵
遊五陵寒尤早

楚遊雖未艾髮種種變
矣從宦談農苦樂自別

達隱迹不拘玄谷多行樂龐公居鹿門不知有
城郭青酒留瓦盆鄰人互秋穫遺穗分牛羊野

粒招鳥雀喧喧豪俠徒意氣傾京洛青衫結長
雄誰能盼濩落豈知耕稼人萬事秋雲薄

三十遊江湖四十歸畎畝出處惟自謀未敢語

親友親友知我懷遺我山中酒鄭谷有佳人素

心厭奔走三徑明黃花七松間白柳青丘橫北

郭碧雲流南牖我今屢夢之相看傾五斗醒醉

聊復歡來期知健否

鄭于成憲副先六年疏休願言思之

石牀照園葵夏木滿霞關山禽聽人呼白雲遠
而閒養和思方外還真丘壑間客來同短褐對

之談名山二毛激衷懷世路辭險艱麥斜深復
深跨鶴疇能攀漫言神僊術長滋鏡中顏

過黃岡張笑中陳伯行二憲使請遊赤壁
次舊遊韻四章

雙眸紫氛橫西郊寒飈廣伊懷西方人眷茲滄
洲賞俯仰盼山椒東流大江朗渚明羣鷗飛烟
舒獨鶴上長揖謝浮榮願言愜踈放荒荒古木
踈綿綿玄雲長佳勝只蓬瀛虛無得真象隔水
聞吹簫試招漁人榜

投簪協遐思驅車遊黃岡黃岡非我遊所思赤
壁長烟光連江許厠徑明宵霜林聲間歌管筠
影橫瓊觴策策群飛鴉日暮鳴徬徨雲中鴈相
呼萬里獨南翔斗酒娛歲華況乃泛滄浪惠我
多前脩高蹤今微茫試言玄鶴夢何如煥黃梁

三

杲日照北林丹崖俯幽壑寒流青於藍微風吹
雲漠極浦莽縈紆層峰亦連絡樵路歷荆榛邨
屋棲鳥雀嗟哉達士懷形骸非有托山人已明

農大觀從寥廓縱談天壤間萬事奚龍蠖巾舄
偕樵漁聊謝世人度

昔者蘇長公淹留黃泥坂羈旅本無營簞瓢同
歲晚武昌魚雖薄猶勝惠州飯才高愛者稀濩
落還混沌兩賦達玄門人情奚寒暖二客從者
誰時亦樂嘉遯張翰煙雲姿陳琳天趣遠方舟
夾雙流淡日輝霜幘往事眷深衷茲遊何繾綣
北風吹歸旌麥斜林卧穩豈無他年懷江湖終
偃蹇

懷廬山舊遊因問天池主僧

我昔遊廬阜年華二紀餘
臺端訂信息載報盤
溪書仰觀元氣裏江流碧雲舒
天池注銀漢清
淺杳精廬石戶山精隱
薜壇僧侶居住持候官
府谷口遲旌旗天風吹行服
寒色步躊躇誰能
憇苓榻星河湛太虛
上山復下山百里翻愁予
相違忽十載風塵踪跡踈
倦遊念丘樊行藏信
所如延竚烟羅勝名山
寤寐初所思還歲月長
歌寄雙魚

九江劉以中憲副張讌二章

公幹雅高抱日夕臨江臯飄風吹皓雪雰霏凝
旌旄華筵列明燭坐暖傳清醪鼎調旣烹鯉厨
修復燔羔絃管雜新曲歌者氣自豪但令賓客
樂不惜將迎勞感茲意良勤奚論聲名逃終宴
豈知醉迴舟聆江濤

京口覲儀光素期隔吳楚九江休聲揚載歷寒
與暑方舟趨東流潯陽勤延佇相見激肝腸去
住縈愁緒嘉宴復紛綸巖婉同朋侶賓飲旣盡

觴主歡復陳醕喟彼冥鴻飛曾如神鸞舉後會
難前期江湖眇村墅海嶠瞻行旌山中具雞黍
遊開先途中卽事二首

殘雪明寒郊流水冰初析谷風阻歸舟弭棹意
無適別駕敦言辭匡廬及良覲爰命輿人徂長
路莽經歷竒峰在目前嵯峨幾千層習靜神乃
冲祛智形非敵側身蒼崖間灑灑風泉滴感往
已三遊茲來豈情溺山靈詎有期晴暉相射激

郊原昔所經僕夫談舊事知我有良歡載歌前
朝寺鳴笳列山椒懸旌耀谿次迹與纓冕同情
已朝市異石梁激清流林巒積空翠翠嶺香爐
高鶴鳴顏色媚鐘鼓湛餘清雙劍入雄視瀑來
風雨寒十里蕩玄思依依山人居耕鑿本無累
而我謝浮名卜廬亦誰忌昔賢不可招石門還
夢寐

閒居

山人不入城樓山頻謝客言笑亦何期雲區多

世升集 卷三
茅宅長傍里翁遊農談坐蒼后歸來已閉門蒼
霞滿初夕花深鳥不鳴谿漲魚還積澤國思撩
人况復辭行役會當拾瑤華九湖隨巾舄

仲春宿雞峰六首

野人耽休寂樓山初著書煙輕白楊徑風煖芙
蓉渠鳥雀各儔侶朝來款吾廬相盼曠形迹滄
海流雲虛客至春醅熟載摘園中蔬誰言京洛
陌邇廻誇七輿

奇遊宿所適攀條落青梅壺天海色入黃鸝歌

未迴悠悠披我襟散髮隨深杯達觀八埏外長
鳴陟孤臺海上尊鱸美雙谿扁舟開古意黯然
滿焉知蒼顏催

仲春遊服成相看同鳥几伯氏壺觴來吾亦動
食指清明節不寒群喧浮荒址象山分蒼霏雞
峰生綠水邈矣先民徒亦有林棲子拓落異玄
冲支言慙內史

開戶步流光午夕明星小瀛海莽虛無千山環
林杪鳴蛩影自寒滄洲遲清曉塘躍群遊魚風

驚獨棲鳥所思漢江淮美人雙弄夢曉吟引僊
才惆悵寰埃表

結駟談豪俠丁年意氣橫繫我匣中劒白日伏
龍精監門客已老屠兒同崢嶸然諾一言爾能
令生死輕昔聞冥棲者不願世間名栗里陶非
狷鹿門龐非清

徂歲不可追端居狎田父峰明江上洲霞滿筠
間塢遙夕思同袍流螢飛庭戶撫卷念吾生白
頭始探古信宿石門中天風吹蘭杜玉泉聞潺

爰旭日南谿詩

王筆峰宿雞峰賦贈二首

白曦留餘照未能鑄紅顏欲泛蓬山楫僊都望
中攀勞勞風塵網咄咄豺虎關東生却玩世偃
蹇滑稽間

王粲有寶劍流光雞峰巔蘿裳山鬼笑玉珮江
妃捐林心歡招隱野務談種田倏然發高味石
戶低蒼煙

山意

愧瘖集

三卷

七

山意還混沌谿光亦寥廓麋鹿避人蹤異草多
題藥鐘殷出白雲松門招黃鶴中有遯世翁栖
栖一丘壑東林任玄談聊謝遠公度

周養吾集劉約齋顧願齋柯希齋雍見川
暨二山子於梅峰次舊遊東山韻十章
白幘俯塵界青丘浮大年人事攬締絡玄區流
風烟鵬鷗各有適栖遲靜者賢虛堂明野馬樽
俎筠階前

端坐遲朋侶澹然客意平相逢還繾綣眷茲暮

年情涼氣來東野
禪關夏木清生公
稱悟法何年象教成

達人自高尙被褐談芳洲
一笑虎谿別千年稱道流
我過西峰寺言泛木蘭舟
咄咄成長詠秋風懷舊遊

去日何太急來日悵無多
梅岡隔清矚西源縈石蘿
感徃青精飯懷新白雪歌
朔雲極寥廓浮萍饒風波

方外能遺世山人亦有家
林樾隱叢桂虛室射

丹霞鐘聲晚自發僧梵歌蓮華瑤井天瓢白芥
芳瀉佛茶

諸老眷桑梓孺子詠滄浪象谷西來勝登春畱
衆芳野席聞松響他年宿禪房偶來炎雨霽遙
盼東瀛長

偃蹇談泉石二紀稱幽居招提忻宴會迢遞山
人書城郭多塵務相看鬢髮疎我思青霞珮誰
乘白鹿車

勝集延清晝鳥鳴林外山雲深孤磬隱蓮宇虛

無間棲鵲隨風集
蟠龍挾雨還邯鄲
夢不永塵海眇玄關

戒旃留詩句
千年倍酒尊
將迎下筠榻
初月照松門
中庭風瑟瑟
空階絡緯繁
憶昔梅南叟
遲迴上郭村

伎倆難諧俗
道緣澹忘機
所思二三子
逢僧歲漸稀
還往烟霞榻
山人薜蘿衣
出門忘賓主
星光輝少微

宿寺呈山齋

西山枉瑤札古術林扉通下馬盼西景層雲屯
遙空泉流碧蘿蔓堂開青桂叢環山多松栢日
夕生悲風眷言得禪寂悟嘆世塵中司馬薦惠
義慷慨鄭虔同冲懷夙好士稀年未稱翁明燈
照顏色而我鬢如蓬濫吹慚華實祗訓開顓蒙
緬懷張仲蔚庶矣歡相逢

族第壺南招溪閣巖觀川遊雲物備美因
挹頤晦翁遺教穆然存也乃摘高韻六

章

溪閣風烟淨蘭舟几杖隨晴沙迴野嶼芳芷漾
雲漪老至懷朋侶清樽喜共移

顧翁不偶世黃髮西湖情舊時諸老會水木澹
孤清新詩鑄翠巘筠閣語流鶯

鳥影楓溪蘸山光石徑浮繁陰清雨霽涼翠午
天流海上晴何晚銜杯問五侯

歲華丘壑在強半木蘭溪搖櫂歌漁父頻聞山
鳥啼采芳何處是瓊樹小橋西

留客開荆扉松聲滿翠微吟壇抱白石連絡釣

漁磯遲月江門晚微風吹芰衣

淑上滄洲曲村中薜荔墻野農供茗碗芹芑暮
炊香白髮催人老東流如許長

孟夏以農事到聖壽寺一宿紀事十首

北郭循籃輿雨絲疑滯遠山寺訂前期徘徊不
顧返出門渺蒼涼行道直東巘畎畝繫餘情旭
日邀征幘農耕逾春暮草莽田間飯我問耦耕
言慮茲歲功損

西山文
農談非任誕時序催閒行巾舄奚

疎懶雜稼尺非長餘青寸非短田畯無好懷穀
雨先憂旱八口依東菑耦耕妻孥款造化豈不
仁涼風郊原滿

桔槔隨處聞辛勤見農憐野流日漸微薰風散
溪澗餉婦持濁醪翁姑嗟泔鮒青田秧欲枯嵐
烟氣吞吐眷言春事微含悲及塲園東臯自往
還望失涵江渡

鐵竈村居多荒畬沿山治地僻農事閒溪流遠
莫致炎序漑涓涓比鄰顏色媚西崦炫銅鉦霞

標垂丹幟烟腥野狐藏日黯山精至聞鐘如昔
年適野過蕭寺

雉城望何遙雙眸隱晴瀑溪鳬群飛還行道焉
止息西雲開雞峰譬諸王官谷泉石不相違烟
花覆茅屋曾耕百畝田飽飯恬苜蓿茲晨值野
談歸向山中宿

斜日坐高臺上人陳桂醕鐘鼓間清言林巒集
儔侶穆穆滄洲翁喜聞黃鸝語昔來二十秋良
晤幾延佇華髮翻蕭疎逃禪誰復許佛燈對長

明塵緣釋愁緒

倦遊謝蒲團繩牀下初暝衆星如懸珠河漢直
高殿突兀山影橫環迴烟霞變栖鶴不避人呼
童忽驚燕松門初吹簫清景存餘戀蒸鬱薄山
椒江干閃飛電

古刹疑初過舊遊忘虛牖老僧念前緣慇懃記
高柳石牀臥雲間壯日倏稱叟山意太古先人
情衰白后寰宇秘玄蹤歡娛同親友振衣攀珠
林雲霄垂聖壽

陳迹混溟濛玄思綴蘭桂羣峰如蒼虬噴吼蒼
漢際天路不可階矛戟雄山勢大觀若驚魂鬼
谷互吞噬禪宮幾劫灰浮屠莽人世登覽慰前
聞鐫石記浮歲

古囊凡幾遊上生頻借榻我懷西方人曇花明
高塔聖壽偶重過松杉涼翠合親知會有期歡
娛同壺榼入城復入山奚童如野衲枕石復漱
流瑤林紀僧臘

賤辰姻朋載酒過雞峰八首

冬月七之日避喧來此峰良朋初問訊尊俎喜
相逢誕節老逾戀衰翁冰雪容流年應酩酊寒
日照高松

青眼山中客淹留攀桂枝却憐吾獨老偃蹇世
相遺鸚鵡杯盈綠餘酣野几移潯陽稱舊隱三
叟亦同時

驚峯青入檻寒色萬松橫閉戶聞天籟方池野
日明故人聯壁到言笑百年情共喜丘園叟無
媒問漢京

蔡谿雲級遶谷目興幽然羽客來相慰如逢辟
穀仙紫泉雙嶂杳石髓隔芝田夢裏驚華髮十
年學草玄

排闥南壺老融融淑氣新如何天宇濶歲月有
風塵養拙怡時晦棲遲定百春蔣卿三徑在二
仲日相親

舊日遊江漢黃花幾度開閒居二十載雲谷恍
蓬萊歌管增顏面年華物色催蓬萊長在篋古
意萬青臺

最愛東山老登臨嘯碧岑
據梧蒼海近歸鶴白雲中
醉裏拾松翠天風吹鄧林
廣陵琴不譜千載孰知音

僊果筵中見吳門酒更佳
山人烟火食何處欲餐霞
艷菊黃金潤霜崖梅欲花
杖藜堪一醉遙夜雪雲涯

周養吾自清浦攜尊拉予同林西谷顧願齋柯希齋登東山飲于松關十首

我住東山下登臨隔兩年
春來聊引望杳靄石

門煙玄度愜初興珠林訪普賢黃鸝不避客
睨綠尊前

六月雨新霽西雲天路平逢迎惟老宿言念別
離情避俗緣非淺松風吹午清謁來移野酌
上句初成

孤懷杼攬結拈落自滄洲言別雲霄侶悠悠江
漢流蚌山迴晚照寥廓眇漁舟何意同心者共
貪佛日遊

雙林耆舊在白社會應多綠嶠花垂幄長瓢掛

薜蘿柯山淹孺子玄髮采芝歌共爾觀滄海江

門日湧波

柯居近東山有撫松亭

舍北梅花徑孤山喜近家伊人甘採蕨而我亦
食霞踈曠慕儔侶逃禪雙鬢華巨師應解事玉

版薦新茶

林西谷居烏山南麓上人巨文老而愛客

逋翁久玩世古調歌滄浪瓊樹階前白曇雲流
午芳翩翩雙鶴下二雨隱芝房他日蟠龍起相

望天漢長

二雨石上亭名

看山曾嘯咏白首戀閒居廬阜招三隱潯陽存

報書古人情共遠况復世緣疎衲子松門下先
畱長者車

詎謂遊東后疎於玉澗山隔城雞犬靜一榻蒼
霞間晤語值林叟白鷗谿上還稻花青野迴香
吹滿松關

宿雞峰喜雨二首

閉關夕逾靜遠與世情疎披衣劇胡牀談古明
燈餘蕭蕭山雨鳴石湖躍文魚流螢度虛牖圓
寂山人居出戶莽物色冥雲流階除喜來呼村

醪獨醉臥柴墟百年願易足吾愛淵明廬
三春微雲舒首夏炎日赤春茲雞峰涼况復佳
泉石鳴鳩林間呼天河懸高壁茲宵雨勝金西
疇泱泱白農父催耕鋤妻孥歡相役綠滋連林
隼芳蕤間蘭澤晨興問鄰翁言談各有適

謁梅峰制幹祠李公四韻

制幹李公仕于宋南渡時義聞道槩郡
乘所書者諱矣同時有道先生如艾軒
公者友也讀艾軒挽公之章信乎公之
賢謂一時鄉國豪傑非耶今去公幾四
百多祀矣有嗣公揚休者盍鮮之闕矣
爰歌四述以寫餘慨

腥風吹淮甸江防見戎幕航海慮已踈偏安悲

燕雀偉哉延安公枕戈同衛霍李侯閩中豪義

旅重然詒志壯隘江淮英聲雲霄薄

韓延安在江淮退虜

公帥義旅從之

九州傷崩圯志士結輪轂辟書匪戎謀陳情遠

辭祿白雲在南山春暉遲而淑夕膳旨以馨晨

羞色思穆感彼鳥鳥鳴寧羨鴻鵠鷗

旣和虜息兵辟書不

就以養母也

談經思聖功宮牆儼高廣俯顏歌采芹恍聞金

石響雲棟輝祠容群工穆春壤泮水澹而深皇

皇蚪龍長允爲志士模邈矣前脩仰

捐金修學多士難之

達人豈矜名慷慨恥言利遺惠集陵橋積金寧

在笥心希鄭相賢跡與乘輿異康屯時匪任濟

險道茲備寥廓閭壤間芳塵疇能嗣

二泮若干橋皆公所

成有永惠焉

小隱亭看雨以五風十雨爲韻四章

西崦生豐隆雷聲如擊鼓拄杖行林涯微茫及
遙浦山雲如蒼綿海雲如赤土異候眇予懷躊

躊開薜戶轉盼膏雨勻芳滋平衡杜數歲恒歛
饒東菑嗟勞苦晚耕得茲秋太和氣逢五

樊學胡云鄙千年意偶同東蔬與斗粟俯仰懷
天工雨來祇斯臾野覲猶冥蒙聞之山人言連
日甬山中明農共憂喜白首稱田翁流水澄谿
小夕霞海門東雷聲細如蛩山雨無飄風

農夫田中來半臂麻衫濕間之訥言辭相慰顏
猶悒高疇雨不流破塊隨鋤立鳥雀窺餘糧牛
羊散日夕竭來望山中野餉吹新粒遺榮百慮

澄躬耕五農集衡門時談玄流年閱六十
泡沫浮怒蛙方池飛翠羽丈室天風遲涼襟欣
揮塵稍霽聞黃鸝林煙直如縷宇宙莽網緼川
澤胡訐訐夏稻漸登場秋苗紛自樹緬焉覲青
郊萬象新而煦樵漁亦農談商巖非今雨

春色僊舟

仙遊尹滄南潘子治仙政善人和民愛
之乙卯春攝蒲符治如于仙郡懷浣水
南采輿言贈其歸曰春
色仙舟予紀以四韻

寰宇異南北丈夫同苦辛芻牧世故爾父母子

斯民惠人隨所達拓落風塵津雲間振鳳翮海上躍鯨鱗兩邑垂儒澤百里播循臣二飛膏雨潤壺華敷同春

二飛僊邑山壺華菡山侯流惠菡仙非實塵耶

桑麻塲不荒源流滋黍稷淑氣凝時和能者光在職鳳鳴宜高岡靈精偶棲棘山人欽志業未言懷胷臆周侯賑飢倉歷歷鄉居側古道不易崇餘芳挹顏色

寧州周侯作尹立賑飢倉于各鄉以寺租貯之善政也未幾而

郡守廢之

東風播庶物淑候彤霞連彼美桃與李紅白絢

前川名封接近壤茂宰借星纏藉中有歌誦興
人感二天河陽亦舊俗潘岳昔稱賢鯉湖飛躍

璨風雲多神僊

邑有賢尹庶可感神
由來夢寐周弗集祐

鄰邑同赤子還旌不能留保惠歷晦朔春暮及

清秋歟歲糴海賈穀賤生易酬援溺信博愛鴻

鴈集西疇細侯心述古海邦傳清修白石可貽

識爭侯使君舟

鳧南留海穀濟民別奸蠹絕吏
詭澤莫大焉當作外史以詔祐

東山罷齋奉候翠翁山齋諸老二首

齋心嚴逾旬荒蒲席可展鄙人畎畝情鬱紆誰

爲遣祈雨宿雲門非敢謀勝踐雨來協所歡邇
近及茲鮮言言群公憂農談意非謏林逋稱達
尊鄭虔敦風善祗役答神休淑氣舒蒸沴斗酒
申殷勤嘉言穆而緬東山雲且閒夕照林端睨

二

去歲宿東山遲雨仲秋后今夏復來茲相看得
良友任山夢寐間瞻雲亦奔走海國隘田疇禾
場列培塿山雨不入城城雨連空莽鑄厓矚前
聞二雨事亦偶頻年憂承黎願言儀黃耆黃耆

有典刑酌我杯中酒我歌慷以慨松風吹白首
所期擊壤民萬事復何有

首春與壺南攜觴登烏石弁君英居清二
族叔同登因摘舊作逢僧問石菊動我
十年情之句座上衍韻兼懷王子筆峰
二日登高峰遲遲仗紫筇歲華禁老大年事任
踈慵海白潮過嶼風寒雪暎松一樽兼四美燕
喜紀初逢

遊蹤寄方外霽日愜晨興几杖雲門集烟花雪

檻凭香清流野飯榻煖遲高僧歲歲梅爭發
撩人白髮增

青霞玩尊前野衲酬清問獨醒非閒情抱朴自
老分粉榆燕雀栖霄漢鷗鵬運嗟嗟石林翁遺
世酒泉郡

廣文舊交遊散人生事適鑑湖澄西原璿斗輝
東石鳥聲虛無間僧磬浮屠夕樂遊春可憐
潦倒記今昔

他年卜禪居虛齋俯林樾避囂將茹芝卻老欲

辟穀詩人丁卯橋漫客瀟湘谷古意偶然同吾
廬老松菊

野叟攀烟蘿緇塵息倥偬欲招鸞鶴群奚言神
僊永小集更醒狂放言漫高嘖呼白催山鐘佛
燈照群動

萬翠浮叢林盪胸入禪坐野淨江雲流山深林
鶯墮靡靡南甸兵匆匆北門鎖海宇望時平杞
人憂於我

壯日謝浮榮餘齡今七十青門卜桂房碧海擬

蘭戩長念虛芳辰每慚疎古笈巨僧歸何遲斜
日清尊集

我畏筆峰叟栖遲獨稱賢栗里今前輩鹿門爾
大年迷作凌風雅絲綸寄翰編東山左勝集邇
逅可無緣

佛界談因果玄觀滿化城踈燈龍象迹遙夜辟
蘿情支遁初聞道長公非好名春盤稀甲菜後
會底須盟

夜飲山村二首

初月沉西林城鐘滿庭戶主人意已勤開尊詒
場圃少飲醉復醒雙劍當筵舞月光不可留天
風吹蘭杜

冬雨鮮歡悰新晴值良友數日間閉關覽鏡疑
白首縱浪得吾生濩落今稱叟與君玄中談天
地亦何有

題風木圖

南山紫麓橫透遞蒼霞明高臺一以眺雲木雙
眸平堂封連宿莽霜露歲載盈狐兔無深穴鳳

皇多崇京仙翁遇遺榻委化居佳城瑤天寒而
閒歸鶴中霄聲昔者徐孺子邦人欽其名禮數
式先哲好脩激後生傳經三十載沖養清而瑩
過庭儼遺訓令子儕豪英函章列上士持憲時
之楨陳衣涕屢下攀松風乃鳴遊士悲埋玉有
道舊書銘臥轍聞南浦燕門遙抗旌過家勤瞻
掃荏苒歲云更眷言思投袂墓田或可耕意與
蛻仙遇世業得深盟驅馳祇遶役疇哉浮名爭
溪山環勝光繪圖偕之行綸言錫霞錦仰觀山

崢嶸

愧瘖集三卷終

愧瘖集

三卷